

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

## **MAANDALIZI KWA AJILI YA UJIO WA PILI**

Sura hii inajikita toka kipindi cha zinduko mpaka siku hizi. Sura hii inahusisha kwanza kipindi cha maandalizi ya Ujio wa Pili ambacho zaidi kimegawanywa katika vipindi vidogo vitatu: kipindi cha mageuzi, cha toka 1517 hadi 1648; kipindi cha ukinzano kati ya dini na falsafa, toka mwaka 1648 hadi 1789; na kipindi cha kukomaa mfumo wa siasa, uchumi na itikadi, toka mwaka 1789 hadi 1918. Vilevile sura hii inazungumzia vita vya Dunia vya karne ya ishirini.

### **1. KIPINDI CHA MAGEUZI**

Kipindi cha mageuzi kilidumu kwa takriban miaka mia moja na thelathini, toka wito wa Luther wa mageuzi ya kidini mnamo mwaka 1517 mpaka vita ya mapigano kati ya Roma – Katoliki na madhehebu mapya ya Waprotestanti (Wapinzani) na madola ambayo yaliishia kwenye mkataba wa Westphalia mnamo mwaka 1648.

Baada ya kipindi cha shutuma chiniya himaya ya Kirumi, Papa na viongozi wa kanisa la Roma – Katoliki walikuwa na jukumu kubwa kuweka msingi kwa ajili ya Masihi. Kwa sababu hiyo, Mungu aliwapa vyeo na madaraka ambavyo viliwafanya wakubalike zaidi katika taifa na jamii, lakini wakati wa zama za ukabaila ufisadi wao na kuingilia sana maisha ya watu vilizuia kuweka msingi kwa ajili ya Masihi.

Kutumika vibaya mamlaka ya kanisa la Kristo katika kipindi kikali cha ukabaila, ukiongezea ufisadi na maadili maovu miongoni mwa wafanyakazi kanisani, vilichochea hamasa ya mtu kutaka kutekeleza matamano ya tabia ya asili ambayo aliwekewa ndani yake wakati wa kuumbwa kwake.

Harakati za kuvunja hali za utendajikatika jamii na mfumo wa ufisadi katika dini zilitokea kutokana na dhamira za watu ya (Hulka Asili). Harakati hii ilikuwa na tazamio la ndani (Sung Sang) na tazamio la nje (Hyung Sang) kulingana hali mbili za Hulka Asili ya mtu. Hivyo, binadamu alitafuta kuridhisha matamano yake ya ndani, kama yale ya

maisha ya imani, heshima, wajibu, ucha Mungu, na uhusiano na Mungu, na matamano yake ya nje, kama yale ya kuendeleza ujuzi wake (kupitia sayansi), nguvu yake ya kufikiri, na haki zake.

Kwanza kulikuja harakati za kuamsha ustaarabu wa Kigiriki – (Ulyunani) ambayo ilikuwa harakati ya Kikaini, ilizingatia matamano ya nje ya binadamu. Halafu zikaja harakati za Kiabeli, zilizingatia matamano ya mambo ya ndani ya mtu. Harakati za kuamsha ustaarabu wa kigiriki ukaja kuitwa siku za kutafuta elimu na maarifa Ulaya. na kusisitiza kujihusisha na mambo ya utu kama uzuri wa viumbe, uhuru wa mtu binafsi na thamani ya maisha katika Dunia hii. Mageuzi yalitokea kutokana na dhamira ya mtu ya ndani kuyafanya upya maisha chiniya Mungu, na kwamba mageuzi yalisisitiza uhusiano wa mtu kwa Mungu kinyume na itikadi ya utu na sisitizo la duniani kote la uyunani tunaweza kukiita kipindi cha mageuzi ya uamsho wa Ueberania.

### **A: Mwamko (Renesansi)**

Kwa rehema za Toleo la Ukombozi la Mungu, mtu amekuwa akikomboa Hulka yake ya Asili. Hali yake ya juhudi zake za mambo ya nje ili kukomboa Hulka yake ya Asili kulipelekea kuchipuka kwa mwamko.

Kulingana na “Kanuni za Uumbaji” mtu aliumbwa ili awe mkamilifu pale tu akamilishapo wajibu wake, kwa njia ya zoezi la utashi (Nia) huru. Mtu aliumbwa awe huru, na hivyo huendelea kuutafuta uhuru. Pia, mtu aliye na tabia kamilifu anapaswa kuwa na uhuru kama mtu binafsi mwenye mwili wa kweli. Hivyo mtu mwenye Hulka Asili, ana matamano ya kujenga tabia ya ubinafsi.

Mtu aliumbwa kupitia Neno la Mungu ili kushabihiana na Hulka ya Mungu. Kwa sababu hii, mtu, kwa Hulka yake ya Asili, hutamani kuendeleza akili yake, na nguvu za kufikiri. Mtu vilevile aliumbwa ili awe na mamlaka juu ya Uumbaji. Hivyo, mtu, kwa Hulka yake ya Asili, huthamini sayansi, na uelewa wa maumbile na hutamani kuendeleza mazingira yake. Hata hivyo, tamano la hali ya nje ya Hulka ya Asili ya mtu lilikuwa linakandamizwa na mfumo wa ukabaila wa zama za kati. Hili lilisababisha watu kuendelea kudai kwa nguvu vitu kama uhuru, ubinafsi wa mtu, heshima katika maamuzi.

Kuendeleza kwa matamano haya ya nje kulipata kichocheo kwa kuingiza staarabu za Ugiriki ya zama za kale nyakati za Krusedi (vita vitakatifu). Mtu wa zama za kati alijifunza kuwa mtazamo wa Ugiriki ya ulimbwende {ustaarabu} wa zamani ulikuwa sawa na matamano ya nje. Hivyo, harakati za kuamsha staarabu za Ugiriki {Hellenism} zilianza zikiendeshwa kwanza nchini Italia, na baadae kote nchi za Ulaya. Kutokana na mwamko wa staarabu za Ugiriki mtazamo wa falsafa juu ya utu uliibuka.

Mwamko ulianza kama harakati ya kuteka tena moyo wa Ugiriki wa zama za kale, lakini punde ikawa harakati iliyobadilisha mtazamo wa jamii nzima kimaisha ukiwemo utamaduni, mfumo wa siasa, uchumi na hata dini. Hizi zilikuwa ni kani mojawapo pamoja na mageuzi zilizopelekea kumomonyoka kwa utamaduni wa wakati wa zama za kati na kuzaa zama za siasa.

Kwa kuwa mwamko kimsingi ulijihusisha na matamano ya hali ya nje ya hulka ya mtu, unaweza kuonekana kama kwamba unakinzana na na toleo la msingi la Mungu la kukomboa roho ya mtu. Hata hivyo ili kukamilisha lengo la kukomboa thamani ya awali ya mtu, awamu ya kukomboa hali ya nje ya mtu ni lazima.

Kwa njia yoyote ile, viwango vyote vya thamani ya mtu lazima vikombolewe. Hii ina maana kuwa kila mtu lazima akamilike kama mtu pekee binafsi, kwa kuunganisha hali ya mambo ya nje na ndani ya uwepo wake. Kwa mtazamo huu, Mungu alileta mageuzi katika msingi wa mwamko.

## B: MATENGENEZO

Ufisadi wa Kanisa Katoliki wa zama za kati ulikuwa ni ukinzano dhidi ya toleo la Mungu kwa ujio wa pili, na utapanyaji wa madaraka ya umati wa kanisa na ibada zake, ulisababisha watu wengi kutoa miito ya mageuzi makubwa. Na kama matokeo ya vita vya dini. “Kupelekwa utumwani Babiloni”, mgawanyiko mkubwa wa mwamko, nguvu za upapa na madaraka yake yalipungua mno na kilio cha mageuzi kiliongezeka kwa nguvu. Kwa jinsi harakati za utu zilivyokua, upinzani dhidi ya hatua za kanisa za kuzuia uhuru wa watu na kujitawala ulianza kupata mafanikio miongoni mwa watu.

Mnamo karne ya 14, Yohana Wyklif, profesa {mwalimu} wa teolojia katika chuo kikuu cha Oxford cha Uingereza, alitafsiri Biblia katika

kiingereza, akisisitiza kuwa taratibu ambazo imani ya mtu inavyoweza kupimwa si kwa vigezo vya papa au makuhani {mapadre}, bali Biblia yenyewe tu. Aliendelea kutoa hoja kwamba ibada nyingi za kanisa, sheria na mapokeo hazina msingi wowote katika maandiko ya Biblia. Wengine wengi walihoji unyonyaji wa kanisa kwa watu na tabia isiyo ya kidini ya makasisi, na pia walidai kuwepo mabadiliko. Hata hivyo, hakuna aliyefanikiwa, na baadhi waliuawa.

Mnamo mwaka 1517, Papa Leo wa kumi {x} alianza kwa kuuza “indulgence”(msamaha masharti kama sehemu ya malipizi) ili kupanua mfuko wa fedha ili kujenga Basilika {kanisa kubwa} la Mtakatifu Petro. Majibu ya zoezi hili yalitokea kuchochea mageuzi kwa kuanza na Martin Luther, mwalimu {profesa} wa teolojia ya kibiblia, aliyekuwa chuo kikuu cha Wittenberg nchini Ujerumani. Harakati za mageuzi zilikuwa haraka nchini Ujerumani, Ufaransa na Uswisi, zikiongozwa na Luther, Kalvini na Zwingli.

Ukinzani ulitokea wakati wa harakati za Waprotestanti {wapinzani} haukuwa tu wa dini bali ulikua mpaka kuwa vita ya kimataifa miongoni mwa nchi zenye maslahi tofauti katika mafanikio au kushindwa kwa mageuzi. Ukinzani ulidumu kwa zaidi ya miaka mia nne, mpaka mapigano kati ya dini ya zamani na mpya na mapokeo yao yalipokwisha kwenye vita vya miaka thelathini. Vita hivi, vilipiganiwa nchini Ujerumani, na kumalizika mnamo mwaka 1648 kwa mkataba wa Westphalia. Viliishia kwa ushindi wa Waprotestanti Ulaya ya Kaskazini na mageuzi yalifanikiwa.

## II: KIPINDI CHA UKINZANI KATI YA DINI NA FALSAFA

Kipindi cha ukinzani kati ya Dini na Falsafa kilidumu kwa karibu miaka mia moja na arobaini, tangu mkataba wa Westphalia, mwaka 1648, mpaka mwanzo wa mapinduzi ya Wafaransa ya mwaka 1789. Kwa ushawishi wa mwamko na mageuzi, mtu aliingia katika mwelekeo kamili wa kuridhisha mahitaji ya mambo ya nje na ya ndani ya hali yake ya hulka-asili, na kwa sababu ya uhuru uliotolewa katika fikra za kidini na falsafa mtu hakuweza kuzuia uitengano wa mafundisho na ukinzani miongoni mwa falsafa {fikra}

Toleo la ukombozi linajengwa na hali ya kutenganisha mtazamo wa maisha ya aina ya Kaini dhidi ya ile ya Abeli. Wakati wa kuisha kwa historia, kanuni hii ya kutenganisha lazima itumike tena, pale ambapo dunia iliyopo itakapotenganishwa kati ya aina za makundi ya Kaini na

Abeli. Dunia ya Kaini ni dunia ya kutokuwa na imani-ukomunisti, na dunia ya aina ya Abeli ni ya kidini –inayounga mkono dunia ya kidemokrasia, hizi mbili kwa kulinganishwa, katika upeo wa dunia, ni kama “mbuzi” na “kondoo” ni kama Yesu alivyosema kwenye Mathayo 25:35. Dunia hizi mbili zipo chini ya pande mbili tofauti za mtazamo wa maisha.

### **A: Mtazamo wa maisha – aina ya Kaini .**

Sisitizo la kukamilisha matamania ya mambo ya nje ya Hulka-Asili ya mtu yalipelekea kuchipuka kwa mtazamo wa maisha aina ya Kaini, ambayo hupunguza imani ya Mungu na kujitoa kwa ajili ya dini na umekuwa ukipelekea kufikiri kwa kila kitu kwa kigezo cha maumbile na mtazamo wa utu. Mwelekeo huu ulitokea kuenea kama matokeo ya mtazamo wa maisha wa kipindi cha zama za kati, ambamo watu walifikiri kuwa mwili wa binadamu na dunia ya vitu kwa ujumla kuwa ni duni na ulikuwa umetishwa na Mungu na kusalimishwa kwa viongozi wa dini kwamba wasitegemee akili {au fikra} zao.

Wakiwa wamechagizwa na hali hii, wengi walianza kuangalia maumbile na maisha katika mwanga wa fikra na ushuhuda wao wa moja kwa moja, wakiwa wamejinasua na mtazamo wa teolojia. Wanafikra, kama vile Descartes, na washuhudiaji {wahakiki} kama vile Locke, waliachana na mtazamo wa kumchukulia Mungu kama ndiye chanzo cha kila kitu na kuwa ukweli unaweza kujulikana kwa njia ya kufikiri au uzoefu. Ufikiriaji uliegemea kuidharau historia na mapokeo, isipokuwa kuthamini wazo la mtu pekee.

Uhakikishaji {ushuhudiaji}, kwa namna nyingine, uliendeshwa kwa fahamu tano za mtu na kudai kuwa ujuzi unapatikana kutokana na uzoefu na kuona moja kwa moja, bila ya aina yoyote ya masharti ya awali. Hivyo, ufikiriaji na uhakikishaji ulitokea kupuuza miujiza, maono na ufunuo.

Kwa jinsi falsafa hizi zilivyo zidi kusesitiza ufikiriaji na uzoefu wa fahamu tano na kupunguza matazamio katika maumbile na mtu, ndivyo walivyo zidi kumtenganisha mtu toka kwa Mungu.

Mnamo karne ya kumi na nane mtazamo wa aina -ya –Kaini wa maisha ulihusisha fikra hii katika nyakati za mwanga, ambacho kinawza kufikiriwa kama kipindi cha hatua ya pili ya

mwamko. Nyakati za mwanga {nuru} zilithamanisha mambo ya mtu kutokana na mtazamo wa kufikiri na jinsi gani unafanana kwa karibu na mpangilio katika maumbile. Hali hii iliathiri kila hali ya maisha na kupelekea kuvunjika kwa tamaduni kuu nyingi zilizokuwepo.

Kwa sababu mapokeo hayo yalisisitiza juu ya ufikiriaji mambo ya maisha, wanafikra wakati wa nuru walikataa katakata chochote kilichoonekana hitimisho nje ya mchakato wa ufikiriaji au ambacho kilionekana kuwa si kweli katika maisha. Matokeo yake, mtu alikwenda zaidi ya hatua ya kuwa huru mbali na Mungu na kufikia hatua kali ya kumkana.

Wakichagizwa na mtazamo wa maisha ya aina ya Kaini, mafundisho ya kuamini Mungu bila ufunuo yalianzishwa. Wana-Imani bila ufunuo waliegemea kuamini katika theolojia yenye msingi wa kufikiri na kuondokana na mambo kama uzoefu wa ufunuo na miujiza. Wana imani bila ufunuo walimchukulia Mungu kama muumbaji wa wote ambaye hakushirikishwa katika historia na kuamini kuwa mtu atapata viwango vya maadili kutokana na maumbile bila ufunuo toka kwa Mungu.

Uhegelia wa mlengo wa kushoto {Strauss na Feuerbach}, pamoja na falsafa ya usoshalisti wa Kifaransa, hawa walipelekea kuwepo msingi wa kuzaliwa kwa itikadi ya kikomunisti. Ni kwamba chini ya chagizo la itikadi hizi, Karl Marx na Friedrich Engels waliendeleza mafundisho yao ya ukinzani wa vitu katika maumbo. Ukomunisti unaweza kuchukuliwa kama matokeo ya kutoamini uwepo wa Mungu na mali, na itikadi kubwa ya mwisho inayomkana Mungu.

### **B: Mtazamo wa maisha ya aina ya Abeli .**

Tunapochambua kwa juu juu kipindi cha mpito toka zama za kati hadi jamii ya dunia ya sasa kutapelekea kuamini na kuchukulia kuwa kipindi cha mpito ni cha mchakato wa kumtenganisha mtu kutoka kwa Mungu na dini. Hii ni kwa sababu ufafanuzi wa mtu wa hali ya nje ya Hulka – Asili ya mtu katika kipindi hiki cha mpito kilitoa maendeleo makubwa miongoni mwa wanajamii.

Hata hivyo, uchunguzi wa makini utatuwezesha kuelewa kuna hali nyingine kubwa katika mpito toka zama za kati hadi jamii ya leo. Ufafanuzi wa mtu wa zama za kati juu ya hali ya ndani ya Hulka Asili ilipelekea harakati kuibuka na kuamsha mtazamo wa maisha wa

kiebrania. Harakati hizi zilikomaa na kuwa mageuzi.

Kupitia harakati hizi, falsafa na dini viliendeleza mtazamo wima wa maisha, ambao ni wa aina ya Abeli ya mtazamo wa maisha, na kupelekea mtu wa zama za kati kuendelea kuwa na uhusiano wa karibu na Mungu.

Katika karne ya 17 na 18, harakati nyingine mpya ziliibuka, harakati hizi zilisisitiza juu ya ushuhuda wa maajabu, maisha ya kikristo, na maadili. Dunia ya dini, ambayo ilichagizwa na mtazamo wa jumla wa kufikiri, ilihitaji sana harakati hizi kulisitiza kujitoa kidini na maisha ya kiroho ya mtu dhidi ya mafundisho au ukiritimba. Uimarisho nchini Ujerumani (ukiongozwa na Spencer), umethodisti, ambao ulichagiza mwamko mkubwa nchini Uingereza (ukiongozwa na makaka Wesley), na Quaker (Quakerism), (dhana iliyoanzishwa na George Fox) ni mifano ya harakati hizo.

Wote walisitiza imani chini ya mfumo wa uzoefu wa mtu binafsi katika dini na miujiza au maswala ya kiroho ya maisha ya mtu, ambayo hayawezi kufafanuliwa katika wazo au fikra kavu; walisitiza mtazamo wa maisha kuongozwa na uhusiano wa Mungu. Katika ukanda wa falsafa, wana itikadi kama vile Kant, Fichte, Schelling, na Hegel, katika kupinga itikadi ya kulinganisha na maumbile mtazamo wa nyakati za nuru, walitoa mawazo ya maisha ambayo yalitoa msisitizo wa mambo ya kiroho na uadilifu – ni kwamba mitazamo ambayo kimsingi ni ya aina ya Abeli.

### **III: KIPINDI CHA KUKOMAA MFUMO WA SIASA, UCHUMI NA ITIKADI .**

Kipindi hiki cha tatu kilidumu kwa miaka mia moja na thelathini. Kilianza na mapinduzi ya Wafaransa 1789 na kuendelea wakati wa mapinduzi ya viwanda, na kuishia kwa hitimisho la vita kuu ya kwanza ya dunia. Katika msingi wa – mitazamo ya aina ile ya Kaini na Abeli ya maisha ambayo ilitokea kabla ya kipindi hiki, dunia ya mtazamo wa Kaini na dunia ya mtazamo wa Abeli kila moja peke yake zilianza kujitokeza.

Umuhimu wa kipindi hiki cha miaka mia moja na thelathini katika toleo umo katika sura ya maendeleo ya mfumo wa kisiasa, uchumi, na itikadi mpaka kufikia hatua ambayo Masihi anaweza kupokelewa na

ambapo anaweza kuwabadili ili kujenga dunia adilifu kama ilivyokusudiwa awali na Mungu.

#### **A. Maendeleo ya mifumo ya sasa ya siasa .**

Nguvu za kisiasa, ambazo ziliwekwa kuongozwa na makabaila wakati wa zama za kati, ziliimarishwa na wafalme ili kuanzisha tawala yakinifu mnamo katikati ya karne ya 17. Halafu kuanzia mwisho mwa karne ya 18, mfumo wa utawala yakinifu uligeuzwa kuwa mfumo wa aina ya demokrasia wa Kaini na Abeli, asili yake ilitokana na mitazamo ya aina ya maisha ya Kaini na aina ya maisha ya Abeli. Chini ya chagizo la uadilifu wa Nuru, watu walilenga kujenga ukombozi, udugu, na usawa kama ukweli katika maswala ya mtu – lakini ilitokea hivyo nchini Ufaransa kwa njia ya mapambano ya mambo ya nje na ya tabia ya ukatili, hivyo kujenga demokrasia aina – ya – Kaini. Demokrasia aina ya Abeli ambayo iliendelezwa nchini Uingereza na Marekani na nchi nyingine zilikuwa kwa wingi chini ya mtazamo wa maisha ya aina ya Abeli, ambao ni mfumo wa kiutu zaidi ulioendana na namna ya mapinduzi yao. Kutokana na tamaduni hizi mbili kumekuwepo na dunia ya ukomunisti na dunia ya demokrasia.

Kama ilivyoielezwa katika “Kanuni za Uumbaji” uumbaji ulifanyika ukiwa na mfumo wa mtu mkamilifu, kama mfano. Dunia adilifu, iliyo na watu wakamilifu, ingeshabiiiana na kutenda kama mtu mkamilifu. Ni kama seli na viungo vya mwili wa mtu hutenda kulingana na amri ya ubongo, watu na mashirika katika dunia adilifu wangepanya kazi kulingana na matakwa ya Mungu. Kama ilivyo hakuna sehemu ya mwili ambayo inakataa matakwa ya akili, haitakuwa vigumu kwa mtu mwadilifu kufuata matakwa ya Mungu. Kama amri zitokazo akilini zinapelekwa sehemu zote za mwili kupitia njia za pembezoni za mfumo wa neva, zikiongozwa na uti – wa – mgongo, maelekezo toka kwa Mungu yataifikia jamii nzima kupitia watakatifu, wakiongozwa na Masihi, anayekuja kama mzazi wa kweli.

Katika jumuiya adilifu, muafaka miongoni mwa bunge, serikali na mahakama, matawi haya ya dola huendana na muafaka miongoni mwa viungo vya mwili – mapafu, moyo, na tumbo (na mifumo ya kupumua, kuzunguka na kula). Kama vilivyo viungo hivi vitatu (na mifumo) katika mwili wa binadamu hufanya kazi pamoja kwa ulaini vinapofanya kazi kulingana na amri ya akili. Katika dunia adilifu,

matawi matatu makuu ya dola pia yatafanya kazi kwa pamoja kwa sababu yatafanya kazi kulingana na Masihi na mapenzi ya Mungu.

Kwa kipindi katika maendeleo ya mfumo wa siasa ya Ulaya Magharibi, mfalme alidhibiti shughuli zote za dola; bunge, serikali, na mahakama. Hata hivyo, baada ya nyakati za mapinduzi ya Wafaransa, nguvu tatu hizi zilianza kutenganishwa. Hivyo, kwa nje, angalau mfumo adilifu wa mfumo wa kisiasa ulianza kuonekana. Hii ina maana kuwa baadhi ya mifumo ya siasa kwa nje inafanana na mfumo wa mwili wa mtu. Hata hivyo, kwa sababu viongozi wa siasa hawamjui Mungu wala kutekeleza matakwa ya Mungu, mfumo hauwezi kufanya kazi kimuafaka kama ulivyokusudiwa awali. Masihi lazima aje ili afundishe matakwa ya Mungu na kumwonyesha mtu namna ya kujighubika nayo

## **B. Mapinduzi ya viwanda na kukomaa kwa uchumi .**

Kufuatana na “Kanuni ya Uumbaji” Mungu alimbariki mtu kutawala vitu vyote vya uumbaji (Mwa. 1:28) baada ya kupata ukamilifu, hivyo kuumba na kufurahia mazingira mazuri. Mungu amekuwa akielekeza toleo lake kuendeleza mazingira ya vitu kwa kuchochea maendeleo ya viwanda na biashara, ambavyo vipo chini ya msingi wa maendeleo ya kisayansi. Pamoja na kuwa mtu ni wa anguko, lazima atumie uwezo wa kuumba aliopewa na Mungu kuendeleza ugunduzi ambao utaumba mazingira hai yafaayo kwa ajili ya Masihi ili ajenge jumuiya adilifu. Mapinduzi ya viwanda, yalioanzia Uingereza yalitokea kuumba msingi wa mazingira mazuri kwa ajili ya jumuiya adilifu ya Mungu.

Katika mfumo wa kiuchumi wa jumuiya adilifu, uzalishaji, ugawaji na ulaji utawekwa sawa chini ya matakwa ya Mungu. Kwa hiyo, uzalishaji kulingana na mahitaji ya mtu, ugawaji wa haki, na ulaji kulingana na dhumuni la wote utakuwepo. Ingawa sasa sayansi na uchumi vimeendelea sana katika dunia, uzalishaji bado hauwezi kukidhi mahitaji, ulaji mara kwa mara haujali hali ya baadae na kufikiria maadili, na madhara yatokanayo na upendeleo katika ugawaji ni makubwa. Ni pale tu watu wote au vitu vyote vitakapokuwa na uelewano na Masihi, kulingana na matakwa ya Mungu, ndipo mfumo wa uchumi adilifu utakapojengwa. Baada ya mapinduzi ya viwanda, uzalishaji mkubwa ulihitaji nchi zinazoendelea, kama vile Uingereza, kushika makoloni mengi ili

kukuza masoko na vyanzo vya malighafi. Hata hivyo, nchi nyingi zinazoendelea zilikuwa ni nchi za kikristo, na kuanzishwa huku kwa makoloni kwa faida za kiuchumi kulipelekea kuwepo msingi wa nje kwa ajili ya kueneza kiundani Injili. Mapinduzi ya viwanda yamekuwa na umuhimu mkubwa katika kutimiza utabiri wa Yesu kwamba Injili itahubiriwa mpaka mwisho wa mipaka ya dunia katika kuandaa ujio wa Masihi. (Mt 24 , 14)

### **C. Hatua za mapinduzi katika Siasa, Uchumi, Itikadi na Dini.**

Kama ilivyojadiliwa hapo juu, harakati dhidi ya zama za kati kuamsha ustaarabu wa kigiriki, uliojulikana kama mwamko, ulikuwa mwelekeo namna ya Kaini ambao uliamsha utu. Mwamko zaidi uliendeleza hulka yake ya Kaini na kutokea kwenye Nuru (mwanga) ambayo imechukuliwa kama mwamko wa pili. Baadae Nuru ilikuza zaidi hulka yake ya aina ya Kaini na kuzaa zama za ukomunisti, mwamko wa tatu kutokea.

Shetani hujua mipango ya Mungu na kila mara husonga mbele kuanzisha vitu upande wake kabla ya Mungu kukamilisha. Hivyo, kile ambacho shetani amefanya kukikamilisha ni sawa (katika muundo, na siyo yaliyomo) kwenye toleo la Mungu lijalo baadae. Hivyo, kuanzia kipindi cha mwamko, vipindi vitatu vya mapinduzi aina ya Abeli vilifuatana na awamu tatu za mapinduzi aina ya Kaini katika dini, siasa na viwanda. Aina ya Abeli ya kipindi cha kwanza ilikuwa ni mageuzi ambayo yalianza na Lutheri, kutokana na mwamko. Halafu, wakati na kufuatia kipindi cha mwanga au nuru mwamko wa pili wa kiroho ukatokea, katikati ya shutuma kali zilizoegemea kwa Fox, Spencer, Yohana Wesley, na Jonathan Edwards, na kupanuka kufikia kuwa mageuzi ya pili. Chini ya matukio haya na katika kuelewa sheria ya hapo juu ya uovu kutangulia wema, mageuzi ya tatu yanategemewa baada ya mwamko wa tatu. Kwa kweli katika hali ya Ukristo leo hii inaonesha wazi kuwa kuna haja ya kufanya mageuzi.

Hatua tatu za mageuzi zimetokea pia katika uwanja wa siasa. Jamii ya zama za kati ziliangamia chini ya chagizo la mwamko (wa kwanza), wakati tawala yakinifu za kitawa zilianguka chini ya chagizo la mwamko wa pili (kipindi cha nuru) na “mageuzi ya pili”mwisho, katika upande wa shetani chama cha kikomunisti kilianzishwa na mapinduzi ya kisiasa chini ya msingi wa mwamko wa tatu. Sasa ni

muhimu kwamba dunia ya demokrasia ambayo ipo upande wa mbingu itiiishe dunia ya kikomunisti kwa kutumia itikadi ya mageuzi ya tatu. Hili litakapotimia, dunia hizi mbili zitaungana na kuwa ufalme mmoja wa mbinguni hapa duniani.

Pia tunaona mapinduzi ya viwanda yalipitia katika hatua tatu. Awamu ya kwanza ya mapinduzi ilitokea katika msingi wa maendeleo ya injini ya mvuke kutoa nishati. Mara baadae, awamu ya pili ya mapinduzi ya viwanda yalitokea katika msingi wa kuendelea kwa nishati ya umeme na injini chomea ndani. Sasa, mapinduzi ya tatu ya viwanda yanayofanyika yamejikita kwenye matumizi ya nishati ya Atomiki.

Mapinduzi haya matatu yanaelekea kukomaa katika kipindi hiki cha matayarisho kwa ajili ya ujio wa pili wa Masihi. Kwa pamoja yanaleta kuwepo kwa msingi ulioandaliwa ambao kwa huo Masihi anaweza kuja na kukamilisha dhumuni la Mungu kwa ajili ya uumbaji. Kukomaa kwa dini na itikadi ni kwa ajili ya toleo lililoelekezwa katika ukamilifu wa asili ya mtu, wakati kukomaa kwa siasa na uchumi ni kwa ajili ya toleo ambalo litaendeleza mfumo na mazingira kwa ajili ya dunia adilifu.

#### **IV. VITA VYA DUNIA .**

##### **A. Sababu za mpango wa Mungu juuya vita vya Dunia .**

Bila shaka, vita hutokea kwa sababu za kisiasa, uchumi na itikadi. Hata hivyo, kwa nyongeza ya sababu hizo za nje, kuna sababu za ndani, yaani sababu za mpango wa Mungu , kulingana na kanuni za ukombozi kwa njia ya malipizi. Sababu ya msingi ya vita vya Dunia ni ukinzano kati ya utawala mzuri wa Mungu ambaye anajaribu kumrudisha mtu katika upande wake, na utawala mwovu wa shetani ambaye anajaribu kulinda na kutunza umilki wake kwa mtu – ukinzano ambao mtu anabanwa katikati. Hebu tuchunguze hili kwa undani zaidi.

Awali ya yote, vita vya Dunia vinalipuka kwa sababu ya harakati za mwisho za shetani katika kutunza au kulinda milki yake dhidi ya mpinzani wake. Kwa sababu ya Anguko mtu alianzisha Dunia isiyoendana na kanuni, na kumtumikia shetani kama bwana wake badala ya Mungu. Hivyo Mungu amekuwa akifanya kazi ya toleo la kukomboa Dunia yake ya kanuni kwa kujenga eneo jema ndani ya

Dunia isiyofuata kanuni, chini ya milki ya shetani, na baadae hatua kwa hatua kupanua eneo hilo.

Kristo, yeye pekee nyakati za ujio wa pili, anakuja kumaliza Dunia ya utawala mbovu na kuanzisha Dunia ya utawala mwema inayoongozwa na Mungu. Kwa hiyo, wakati wa ujio wa pili ni nafasi ya mwisho ya shetani kuzuia kupoteza utawala wake, na vilevile, mapambano yake yatakuwa ya pupa na makubwa, yakiwa na matokeo ya vita vitatu vya Dunia.

Pili, shetani alianzisha Dunia chini ya msingi uliokosa mfumo wa kanuni ya Baraka Tatu; hivyo ili kukomboa Dunia ya anguko kulingana na kanuni ya ukombozi kupitia malipizi, Mungu yampasa amfanye mtu ayatimize, katika upeo wa Dunia yote masharti ya malipizi ya kupokea Baraka Tatu. Ingawa mtu alianguka, Mungu asingeweza kumkataza kuanzisha mfano wa Dunia iliyobarikiwa ambayo Mungu alipania kuijenga, na watu wa anguko wameendeleza Dunia chini ya shetani isiyo na kanuni chini ya msingi wa kuigiza Baraka Tatu za Mungu kwa mtu.

Hivyo dunia isiyo -ya -kanuni imejengwa ambayo tabia ya mtu binafsi ipo chini ya shetani, familia na jamii zipo chini ya shetani, na utawala wa dunia iliyoundwa upo chini ya shetani.

Hivyo, ili kukamilisha, masharti ya malipizi, dunia yote, kwa ajili ya kupokea Baraka Tatu, hili haliepukiki kwamba mtu atapambana na aina tatu za mapambano dunia yote, ambapo upande unaowakilisha kanuni na mbingu lazima ushinde dhidi ya upande wa shetani usiokuwa na kanuni.

Tatu, vita vya dunia lazima vitokee ili dunia itimize masharti ya kumshinda shetani na vishawishi vyake vitatu kwa Yesu. Mlolongo wa Yesu ni mlolongo ambamo Wakristo lazima watapita. Kwa hiyo, vishawishi vitatu ambavyo Yesu alipambana navyo lazima vishindwe na watu wote katika kiwango cha mtu binafsi, familia, taifa na dunia yote. Mapambano ya tatu ya dunia lazima yatokee ili watu wote, katika upeo wa dunia, waweze kushinda vishawishi vitatu vya Yesu.

Nne, vita vya dunia lazima vichukue nafasi ili kukamilisha, katika upeo wa dunia, masharti ya malipizi ya kukomboa utawala wa mbingu. Mungu amekuwa akisogeza Toleo la Ukombozi kupitia malipizi mbele na kugawa dunia ya anguko katika aina mbili; ya

Kaini na ile ya Abeli. Mashambulizi ya aina -ya –Kaini, upande wa shetani dhidi ya aina -ya –Abeli, upande wa mbingu ni mchakato wa ukombozi. Upande wa mbingu wa aina ya Abeli huanzisha msingi wa wema, kupitia sadaka. Mapambano ya mwisho lazima yatokee ili kukomboa kwa njia ya malipizi. Katika upeo wa dunia kitendo cha Kaini kumuua Abeli dunia ya Kaini huishambulia dunia ya Abeli kwanza, lakini matokeo yake ni kwamba dunia ya Abeli hupata ushindi dhidi ya dunia ya Kaini.

### **B: Vita vya Kwanza vya Dunia .**

Katika hatua ya mwisho ya maandalizi ya ujio wa pili, Mungu amefanya toleo(mpango ukombozi) lake kwa kuwagawa watu kisiasa, kiuchumi na kiitikadi katika dunia mbili. Ile ya aina ya Abeli, ya upande wa Mungu, na aina ya Kaini, ya upande wa shetani. Upande wa mbingu na ule wa shetani zinaeleweka kutokana na mwelekeo wao unavyojihusisha na Toleo la Ukombozi la Mungu, kuchukua mwelekeo ulio sawa na Toleo la Ukombozi la Mungu, au kujenga maelewano na mwelekeo huo, hata kwa namna ambayo si ya moja kwa moja huainisha kitu kwamba kiko upande wa kimbingu. Nafasi yeyote kinyume cha mwelekeo wa Toleo la Mungu, hata kama si moja kwa moja huainisha kitu kuwa kiko upande wa shetani.

Dini zote zilizo na wema kama dhumuni lao lipo upande wa kimbingu. Hata hivyo dini fulani inapozuia nyingine ambayo ipo karibu na Mungu, hiyo dini husimama upande wa shetani. Kwa kuwa Ukristo ulijengwa kama dini kiongozi kwa ajili ya kukamilisha lengo la dini zote katika Toleo la Ukombozi ndiyo pekee iliyo karibu na Mungu. Kwa hiyo katika vita vya kwanza vya dunia, nchi zilizoongoza nchi za Fungamano, Uingereza, Marekani, Ufaransa na Urusi zilikuwa nchi za wakristu. Hivyo, zilikuwa upande wa kimbingu.

Kinyume chake, nchi mbili zilizoongoza zile za “Nguvu – Kiongozi”, za Ujertumani na Austria-Hungary, siyo tu ziliunga mkono Uturuki, nchi ya Kiislam iliyokuwa inashutumu Ukristo lakini zilikuwa nchi mabavu kupindukia. Hivyo, walikuwa upande wa shetani. Katika vita vya kwanza vya dunia, upande wa mbingu ulishambuliwa na upande wa shetani, lakini hatua kwa hatua ukapata ushindi wa mwisho.

Kwa msingi huu wa ushindi, upande wa mbingu ulitimiza katika upeo wa Dunia, hatua ya kwanza ya sharti la malipizi la kukomboa Baraka Tatu za Mungu. Ukiangalia kwa msimamo wa Dunia kushinda jaribu la kwanza la shetani kwa Yesu, sharti la malipizi la kukomboa Baraka ya Kwanza ya Mungu kwa mtu ilikuwa imetimizwa. Kwa maneno mengine, sharti la malipizi la kukomboa baraka ya kujikamilisha mtu binafsi lilitimizwa.

Zaidi ya hapo, hatua ya kwanza ya msingi kwa ajili ya kukomboa madaraka ya mbingu ulijengwa. Pia kwa ushindi wa upande wa mbingu katika Vita ya Kwanza vya Dunia, msingi ulijengwa ambao kwa huo Masihi angeweza kuzaliwa (kama mfano wa kiumbe mtu wa kweli).

### **C. Vita vya Pili ya Dunia .**

Vita vya Pili vya Dunia vilikuwa vita ambavyo demokrasi ilianzisha msingi wa ushindi wa hatua ya kukua kwa kuteka madaraka ya kifashisti. Katika Vita vya Pili, Marekani, Uingereza na ufaransa, kama nchi za demokrasia ziliwakilisha upande wa Mungu. Ujerumani, Japan na Italia, kama nchi zenye ukiritimba ambazo zilisimama kupinga Ukristo, zilisimama katika upande wa shetani.

Ilikuwa ni kwa sababu ya kuanguka viumbe watatu, Adam, Hawa na Malaika Mkuu, kwamba baraka za Mungu hazikutimizwa. Kushiriki kwa viumbe watatu wa aina ya Adam, wa aina ya Hawa na wa aina ya Malaika Mkuu lazima ili kukomboa Baraka Tatu. Vile vile, vita ambavyo kwavyo dunia ilipaswa kulipa sharti la malipizi ya kukomboa Baraka, kulilazimika kuwepo mapambano kati ya mataifa matatu yakimwakilisha Adam, Hawa na Malaika Mkuu, wakisimama upande wa Mungu na mataifa matatu yakiwakilisha nafasi sawa hizo tatu za upande wa shetani. Katika Vita Vya Pili Vya Dunia, Adam, Hawa na Malaika Mkuu upande wa Mungu ambazo ziliwakilishwa na nchi za Marekani, Uingereza na Ufaransa, ambapo Ujerumani, Japan na Italia ziliwakilisha nafasi zile ambazo zilikuwa upande wa shetani.

Kwa nini umoja wa Soviet, ambao ulikuwa taifa upande wa shetani, ulishirikiana na mataifa ya upande wa kimbungu wakati wa vita vya pili vya dunia ? Pale ambapo mfumo fulani wa jamii au mfumo wa Serikali unapokuwa pingamizi katika kutimiza mpango wa Mungu wa ukombozi, hufanya kazi ya kuliharibu na kulivunja hilo pingamizi

{kizuizi}. Vivyo hivyo, ili kusonga mbele dhidi ya Mungu na Mungu kuhitimisha lengo lake la dhati, ambalo ni kujenga dunia isiyofuata kanuni, shetani hufanya kazi ya kuvunja vikwazo vyovyote katika njia yake. Wakati mwingine pingamizi huziba njia zote za Mungu na za shetani; wakati huo pande zote mbili, wa mbingu na wa shetani huja kuzivunja.

Pande zote za Kaini na Abeli kila upande ulifanya jitihada kuangamiza jamii ya zama za kati {za ukabila}. Pia, upande wa mbingu na ule wa shetani viliweka juhudi kuteketeza jumuiya ya kifalme(madaraka pekee ya utawala). Vile vile, wakati wa Vita Vya Pili Vya Dunia, ufashisti ulitokea kuwa kizuizi upande wa mbingu na upande wa shetani, na hivyo kila upande ulitafuta kuuangamiza. Mungu aliacha Umoja wa Soviet ushirikiane na mataifa ya upande wa mbingu katika kuvunja nchi nyingine za ukiritimba, hata kama ilimaanisha kuwa dunia ya Ukomunisti itajengwa.

Vita vya Pili vya Dunia viliisha kwa kupata ushindi mataifa ya upande wa kimbingu. Kwa njia hii, sharti la malipizi katika upeo wa dunia katika hatua ya kukua kwa ajili ya kukomboa Baraka Tatu za Mungu kwa mtu lilitimizwa. Kwa kuangalia katika msimamo wa ushindi, upeo wa dunia, vishawishi vya shetani kwa Yesu sharti la malipizi kwa ajili ya kukomboa dunia yote Baraka ya Pili ya Mungu, ambayo ni ya kunyumbulisha watoto wema, lilitimizwa. Hivyo, baada ya vita, kazi ya ujio wa pili iliendelezwa katika hatua ya kuendeleza maendeleo ya dini. Zaidi ya hayo, msingi wa hatua ya kukua kwa ajili ya kukomboa madaraka ya kimbingu uliwekwa.

## **D: Vita Vya Tatu Vya Dunia .**

Mungu tangu mwanzo alitaka kuhitimisha mpango wake wa Ukombozi katika familia ya Adam, kupitia kwa Kaini na Abeli. Hata hivyo, kazi yake ya kutenganisha wema mbali na uovu iliishia kushindwa kutokana na Kaini kumuua Abeli. Tangu wakati huo, Mungu amejitahidi kwa mfululizo kutenganisha wema mbali na uovu, ikipanuka katika hatua, kuanzia upeo wa familia mpaka wa kabila, taifa na upeo wa dunia nzima.

Wakati wa hitimisho la historia ya mtu, pande zote, ule wa mbingu na ule wa shetani, pande hizo zinajishughulisha katika dunia yote. Kwa jinsi hii, dunia mbili, ya Demokrasia na ya Ukomunisti zinaishi kwa

kushirikiana. Lakini baada ya mapambano ya tatu ya dunia, dunia hizi mbili zitaunganishwa. Ukiangalia kwa mtazamo wa toleo la Mungu, vita vya tatu vya dunia havitazuilika, vitatokea. Hata hivyo, kuna namna mbili za kupigana vita hivyo.

Kwanza dunia ya kishetani inaweza kutiishwa kwa kupigana kijumla kiundani kupitia itikadi. Mungu hapendelei kuhukumu au kuteketeza {Ezek. 33:14 -16}, bali wokovu. Hivyo, anapendelea kumshinikiza shetani kujisalimisha kiitikadi, na kwa gharama ndogo ya sadaka ya mambo ya nje. Kama hili litashindwa, upande wa shetani bila shaka utashambulia upande wa mbingu. Upande wa mbingu lazima baadae uutokeze upande wa shetani kwa nguvu.

Namna vita vya pili vitakavyotokea vategemea jinsi dunia hizi mbili, ambazo zinabeba jukumu katika siku za mwisho, zitakavyotekeleza majukumu yao. Kwa namna yoyote ambayo vita hivi vitapiganwa, lazimakuwepo itikadi muhimu ambayo mtu anaweza kuongozwa kwayo kuelekea dunia adilifu. Hali iko hivyo, hata kama kujisalimisha kwa dunia ya shetani kutapatikana kwa kupigana vita vya mapambano ki nje kwa kutumia silaha, dunia adilifu itapatikana kwa itikadi ya mtazamo wa hali ya juu, ile ambayo watu wote wanaweza kuifuata kwa uhuru na kwa furaha.

Itikadi ni nguvu inayoendesha ambayo itajenga dunia adilifu ya familia ya mtu. Hivyo, itikadi inayohitajika lazima iwe itikadi ya upendo wa kweli ambayo inaweza kuvunja vikwazo kati ya makabila, mataifa na kutatua matatizo makubwa miongoni mwa rangi na tamaduni. Zaidi ya hayo, itikadi hii lazima iwape watu matumaini na uwezekano wa kuhitimisha dunia adilifu. Lazima iwe ambayo inaleta mwamko wa kiroho na badiliko katika tabia na kuwapa vijana mtazamo chanya {mzuri} juu ya maisha. Lazima ionyeshe ubatili wa itikadi nyinginezo na hasa ile ya ukomunisti, Umarx – Ulenin, ambao ni hitimisho la mitazamo yote ya maisha aina ya Kaini.

Kama vita vya tatu vya dunia vitaishia katika ushindi upande wa mbingu, sharti la malipizi la ukombozi wa baraka tatu za Mungu litakuwa limetimizwa. Upande wa mbingu utakuwa katika upeo wa dunia, jaribu la tatu la shetani kwa Yesu, hivyo, kujenga msingi mtimilifu kupitia malipizi kwa ajili ya ukombozi wa mamlaka ya Mungu.

Kama hili litatokea, kazi ya Kristo wakati wa ujio wa pili italeta dunia adilifu ya utawala wa Mungu, na umiliki wa mtu juu ya uumbaji utakuwa umekombolewa kiukamilifu. Dunia hii adilifu ambayo Mungu aliidhamiria wakati wa kuumba, ambayo ameisotea akijaribu kujenga duniani kupitia historia ndefu tangu anguko la mtu, itakuwa ndiyo matokeo. Dunia hii adilifu ndiyo ambayo mtu na Ulimwengu wote hapa na mbinguni kote husujudu Mungu na kuwa na uelewano mzuri kwa kila mmoja. Dunia adilifu kama hii inaitwa Dunia Adilifu ya Itikadi ya Kimbingu na Dunia.

## Chapter 15

[Homepage](#)